

忠烈留香記

潘思光

李公山西安邑名孝廉也篤志力行以忠孝大節自勵崇禎壬午來令鄆邑時流賊李自成土賊楊同錦先後犯城恣殺掠據民且靡子公信任練總高凌雲訓練士卒戒嚴守備時出奇計撫摩殘黎而勸課之集諸生講明親上死長大義躬禮孝子王錫引而賓筵之祭投井烈女張玉華二媛以少牢凡皆明天理正人心以培國本而大厦旣傾矣後自成圍總督汪喬年於襄怒高凌雲殺其僞官守陴者皆股栗郊

民人凜公令無一人供獻之者賊滋怒襄陌拔軍攻
郟平其南城縛公捽使跪公躍起大呼曰吾爲朝廷
守封疆城破則死豈屈膝求活耶賊斷其舌倒懸樹
上寸斃之比死罵喃喃不絕聲太夫人喬亦遇害事
聞贈公按察蔭一子

皇朝定鼎後族人撫公櫬歸葬爲公立後令移居郟西葺
店家焉余下車瞻謁公祠迺牒學擇其嗣孫之秀

諱聲授以贊禮生給衣頂免其徭會余以母老牛

睢陽罵賊擊齒以來正氣常留天地公以孤城抗賊
百萬之師明知勢不支不肯引逃至於是母是子取
義成仁今日者過城南古塚玉骨塵心首碧血猶
有餘香激勸同事高練總與南霽雲雷萬春爭烈矣
但贈卹特祠之報於時有待而余所爲殷殷惓惓思
所以護惜其嗣孫者實屬有志未逮也已聞溫陵安
溪潘思光記并書以貽李聲俾寶存之

司訓李公傳

郭 個 邑人

公諱廷隣字欽四對巖其別號也先世自山右遷邠遂世爲邠人性穎悟讀書觀大意年逾冠補博士弟子員氣概亢爽邑有大議人所嚙嚙不敢言者公每毅然披陳不少依阿於其間與人交有過輒面斥之由明經司訓河陽與當事者志弗諧旋解組歸延師課子疊石植花與執交談論爲樂性喜施予遵遺命後先焚券無算歿不能葬婚不能娶者輒資之司訓河陽時嵯賈武長仁豪士也商業中落以國課窘繫

飲以三百金仁書券爲質笑曰君能償不須券不能
償何參爲卒不受孝廉李蓮未第時以其寒素時給
以膏火督課之遂登賢書及聞公歿渡黃河奔馳數
百里哭拜墓前不能起述於鄉人曰吾師安得不去
吾孟哉兼鐸敝邑白邑庠黨揚珏之寃不避嫌怨政
之不便商民者輒於當事前力陳其弊從則流連欵
曲否則聲色漸厲甚者拂袖去矣以故令長佐貳無
不貌敬而心啣之邑境接壤於孟津官渡舟子例以
私錢輸蠹役不滿然登其制費其舟解頰需費治者

侵賂不均一有虧累敲打倍於他邑往往至有鬻及
子女者究之上下兩病吾師直揭其弊於當路數十
年鉅弊一時蠲革立盡迄今銀工舟子等聞吾師歿
涕泗橫流莫能強目此可以想德澤之入人矣嗚呼
吾鄉前輩人物道德文章豪爽意氣不一其人要皆
各具面目鮮有愧怍今則求如公者不可多得矣昔
孫夏峯先生論人取疎曠不取謹密以爲古今來能
成大事者決非小廉曲謹之士且援孔文舉陳元龍
張齊賢陳同甫輩以實之信斯言也公於諸賢中宜

參一座矣惜乎位不稱才一片寒蘊未伸厥志豈非命哉公生於康熙乙巳年卒於雍正辛亥享年六十有七子三長月副貢次山貢生次靜太學生

論曰觀李子述公在河陽事可不謂之越俎代庖乎然自古曠達不羈之賢豪其遇事敢爲不避嫌怨類如是猶憶公於客中遇莆田吳君鉉鉉名下士亦楚轉無定棲一見定交遂以爲子爲之增尉是皆聞之相通者十餘年後吳送女自數千里至公已請即合昏嗚呼此豈小廉曲謹之所能爲哉

陳眉峯先生墓表

馬慧裕

夫德與功並足立名於不朽而要必有存乎其先者
則行與才也蓋德不可名而行則人所共睹有懷之
而莫釋者情也功不可幸而才則身所自備有鬱之
而必彰者理也試以此論觀眉峯先生固有歷歷不
爽者先生年少博學書無不讀而尤遠於易遠近學
者宗之三十八舉於鄉四十九卒於家其所得於功
名者如是所謂不可幸者也然其致力於學也務求
精深而發爲議論則易且近一若聖人乃人人所能

爲者嘗曰吾儒讀書祇行卽當從事經濟之學經濟
裕而可行可傳斂之爲道德發之爲文章皆足以不
朽乃無愧乎真儒觀此可知先生出則勲業垂世不
出而亦抱負不凡也先生性至孝雖登賢書未嘗求
仕進惟日以養親爲樂居鄉輕財尙義尤勇於周急
嘗三焚借券而逋者不知里中有桀驁者聞先生至
輒走若不可對先生者此其可觀之行卽其不可名
之德也死之日士大夫及村農負販臨哭者千餘人
非所謂懷之莫釋者耶從來賢者之食報於冥漠也

不於其身則於其子孫陳氏單傳已十世至先生而有子二孫倍之天將大其門固故先於兵燹禩之光耳長君彝齋古道可風次君伯國博學幼義庚申歲寶郊匪徒作亂余時旬宣是邦率一旅往捕之仙圃率其鄉之義勇來翼余且盡偵探得賊匪確情乃克一鼓蕩事是卽仙圃夙裕之才而秉承於家學者也非鬱而必彰之明證乎乃仙圃功成而還不欲受爵

賞歸林下以養其母何與其父當年一領鄉薦卽歸奉親不慕榮利之志相脗合若此吁如先生之植德

而可徵于行達才而卒致其功可不勒石以表之哉
先生名睿字聖基號屠峯陳氏鄭縣人乾隆丙子科
舉人例授文林郎候選知縣葬于頤之西原配舒氏
子二長伯璽字彝齋次伯瑜字伯圖孫四長豫鼎次
豫震豫豐豫復曾孫二與魏興岱

重修龍山書院記

章玉森

夫崇儒重道致治之要也興學作人善世之經也古
哲后御宇必興學而外家有塾黨有序無不
以學校爲正而文公守潮首延進士趙德爲潮師嗣
是而潮之士篤于文行不可知費舍弗修惟守令之
咎歟邠邑舊有書院四一曰符井一曰臨汝一曰青
雲一曰崇正四者惟崇正尙存其三皆久廢乾隆初
黃公祿始益之以龍山書院然事屬草創不久旋圯
庚申冬予握篆斯土念叔孫所館雖一日必葺其墻

垣今書院所以造士以育才之地而聽其類敗令人
冰矜於是偕諸紳士歛金鳩工重爲創建而益廓其
規又以郊無試院卽書院之後創立考棚考棚之後
立文昌祠旣已舍宇華耀規制一新矣且延安義况
修竹星子羅西村爲院長聚諸生課其中給膏火懸
賞格使之觀摩競勸相與有成夫郊固材藪也在明
有李愚菴善迪王子王蒼谷文行並優

本朝如全車同何完
嶽藝圃令多士於此而學自濯磨將發名成業後進

之於先達不可踵芳而襲烈乎是則斯舉之有禱于
郊者匪淺鮮也謹誌以文且附以所綴頌禱之詞焉
詞曰懿爍文運喜重開良工選就棟梁材木鐸宏宣
憑巨室瓊枝廣植在瑤臺豐翔天際輪奐美楚璞魯
璠於斯砥日新月異歲不同葢世驚才看鵲起

李烈士碑

劉兆繩

烈士李姓文淵其名郝邑太學生生而有豪氣志在
有爲而以信義素孚於閭黨間咸庚申六月教匪之
變生先期移家屬於塚頭鎮壁其家方爲防禦計
賊突至生徒手單騎直前當敵百人爲賊眾環擁至
汝水涯強之從生大聲呼曰爾等叛逆何可污我賊
跪好言誘之亦不屈賊知終不可得左右羣以鎗刺
之無完膚生至死罵賊不絕口烈哉時年二十九歲
越四日生之姪玉書逃歸趨視之尸已糜爛不可移

覆以席遂封墓邑令毛公率僚屬紳士弔其家祭其
墓觀者莫不泣下生無子有遺腹至九月十二日生
一子人咸謂天之報施不爽云嗚呼生援例入上庠
非常事有祿位者乃激于義罵賊不屈以死卽方之
古人有學有守盡忠報國殺身以成仁者何多讓焉
此固我

國家百餘年來培養士氣之徵抑亦其人得大獨厚至
性有大過人者乎余襄人也於鄰爲隣邑久聞其事

心重之今司鐸于茲適逢

朝廷廣頒卹典賞資死難士民而生得蒙

恩於身後其家爲之立碑而求文於余余欣然書之以表
其烈未始不爲風世勵俗之一助也

滴齋趙公墓誌銘

李楷約

滴齋姓趙氏諱徽翰字仙洲先世秦之三原人後遷於鄭崇祀河間縣教士選貢生諱杰士者公之五世祖也以子運會貴封文林郎官明季流寇士世世守國鄭城官兵之害守國者同古杰士助信以濟復出粟賑饑全活甚眾故杰士之後爲鄭望族杰士生庠生運泰運泰生候選主簿瑄瑄生立功皆有行誼世其家立功生公之父諱縉精醫術稱厚德長者配范氏生三子公其孟也天性孝友少失恃事父先意承

志能得歡心父臥病年餘湯藥必親嘗日夜在側遇

劇卽呼天祈以身代父歿哀毀如禮族黨欲舉公孝

廉泣辭曰所盡人子常分耳卒弗應思親之心老而

彌摯逾六旬猶時形寢寐嗚呼生能盡其養歟能盡

其恩如公洵無愧矣兄弟三人仲結翰太學生季彩

翰職千總皆出繼而公仍與季弟同居數十年無間

言過事必反復商酌一衷於義弟小有恙輒形於

色以弟艱於嗣遍覓良方手爲製合復命次子爲之

後以慰其心故彰翰之事公也朝夕必問起居安否

寒暑無間及公寢疾經年藥餌之費千金弗惜蓋兄弟之間恩義有獨深者平居嗜學問守禮法重修宗祠添刻族譜汲汲以睦族爲務族有爭訟恒就公取平退無怨言教人循循有規矩前後多所成就待朋友內外如一淡而能久處鄉里坦白和平而律已則嚴故一生無疾言厲色而見者莫不肅然起敬至其才優任事如邑侯孫公欲振興學校修龍山書院文昌宮置文廟器濬青龍溪皆囑公董其事而公亦果能詳慎周到如治家事公生而穎異讀書能見大意

年二十八補弟子員五舉不售遂淡於仕進隱居教
子終其身如公者其所謂讀書有得者與德配樊孺
人生男二長蘅廩生次萃廩生以繼弟彩翰後女一
孫男鑑一公生於乾隆丙戌卒於道光壬辰享年六
十有七今將以癸巳二月葬於小剝山先塋其長君
蘅泣狀請銘予自壬午春來邾與公居相近往來久
相知益深文雖不足銘公而義不容辭因序而銘之
銘曰於惟漪齋前修以自勗前兮有輝後兮有懿

送言也侯孫蘭陔翁生歸問序

魏謙六

邾汝勞古也也而重義其民也實而敦俗

然數十年來民風漸不古若而士習亦也頹靡是

豈盡也地運之盛衰抑督責而倡也者無其人也

故識者謂誠得龔黃卓汲之才因其時宜休息其民

而激揚其士必能使棄末反本肯偽歸真其秀而傑

出之輩亦將涵濡薰陶也文章蓋不徒小異

時科名之盛雖愚庵蒼谷之風必有聞而興起者嘉

慶十九年甲戌我蘭陔先生以名進士來涖邾時值

夫荒之後饑民田宅鬻者幾盡卽遵例榜令盡贖西
商議以數萬金寢其事輒笑卻之由是四民安業日
裨已遍境內嘗自言儉可助廉誠能動物故雖簿書
鞭朴間而詩書忠厚之意流溢無盡卓然古循良風
於是邑人士交相謂曰我公學問經濟度越尋常是
固數十年來期望之殷欲其有以督責而倡導我者
而今果至則微獨得慈父母而並得良師資也故凡
所以開風氣而振頹靡者胥於我公是望方先生之
未至也邾士之不登賢書者甘飢載矣邑舊有龍山

書院先生因歲捐廉千餘金給諸生膏火歷延名師
以督課之士有才而貧者不吝數百金以周恤之且
勸境內士著設義塾數十處復自捐廉設塾城內以
邑紳董之形家又言城西滬澗若引之環遶城隍南
注汝足培一邑形勢因如其言疏之由是邾人之事
斯業者駸駸有勃興心矣先生又仿陸當湖在靈壽
之意公暇親進諸生爲之講析諸所啟迪開導務培
其根柢正其宗派每課文多佳則擊節喜喜而加餐
客至不及談他務必先爲誦諸生文琅琅不絕口或

時稍未稱意輒復鬱鬱欲廢食如課家塾子弟以此感激各振刷精神刻苦砥礪數年中根茂實遂其發爲文章類能枕經胙史佩華銜實以故登巍榜者纍纍相望於此見鄉人士之非不可教以有成顧何幸卽得先生出真性情真學問爲之提唱鼓舞其間各有以濬源暢流風氣開而頽靡振也此吾鄉數十年來不可多邀之遇而異日師傳弟受皆將惟先生之教是歸則先生之流風餘澤留貽吾鄉者方更數十百年之久而正未沫也越五年調任睢陽凡鄉人

往來於商者先生必詳問近日吏治民俗及諸生功業進退流連諄切依依如在邾時則非獨見其治之善而尤見其情之深也道光初元先生受姚亮甫中丞卓薦之知兩河之民仰望霖雨晉秩升華俟目俟之而先生竟以家故乞疾去矣歸田一稿讀者黯然謂先生政績已著必將高臥登龍峯下著等身書教子姪輩發名成業聯步天衢或於鶯初雁晚偶憶劉山汝水數載舊治風土人物亦不過彷彿倦戀而已富不復作宦遊計然觀先生以韶齡看花長安抱經

世之鴻猷躬際

昌期方將出其所學黼黻

昇平顧以強仕之年遽遂東山之志已非蒼生所願况吾
邳民沾夏雨士坐春風之尤深且久者哉則於其將
去而序以送之且祝其重來而歌以迎之云爾

烈婦張氏傳

魏謙六

氏名蘭馨字香思吾邾人庠生張琴長女也世居城

東長橋里以乾隆己酉七月癸丑生幼有淑德自勵

貞潔然有古賢女風徽在襁褓中或乳以他人乳

弗食也與以他人物弗顧也口無暴啼目不邪視能

言卽未嘗妄有所語性慧巧六七歲時錦繡纂組之

妙極人巧錯天工奇外出奇而卒不離乎正其伯父

增生齡嘗曰此女素有大志宜令知書氏由是感激

凡父兄平日所談貞烈遺事必詳問其巔末有所忘

輒就父兄考之或時加品評齒牙餘論隱然有當於
名教氏男弟三人妹四人抱保攜持代母服勞凡寒
暑裳衣服飾皆詳爲經理羣妹長委曲善誘文紅之
外於順德尤諄諄焉或謂是必宜福命識者觀其志
節介然不苟知爲異日綱常中人及笄許字同郡處
士孫讓素業儒氏于歸後恪修婦職生子二王舅姑
病羹湯必氏所造而後甘事舅姑尤篤謹并能以已
之所以事舅姑者教其夫及諸姒姑亡時叔方十歲

子後繼姑至異父弟幼身無衣常以已子衣衣之家
素貧時事農業氏櫛風沐雨恒與其勞嘉慶十有八
年河南大饑滑賊起汝潁襄郟等處饑民流殍盈歲
百姓流離轉徙空家相棄民至有相食者氏盡出其
嫁衣奩具付夫典之公諸家食饑荐甚家眾各自謀
生氏與夫鬻食餬口所得羨息必先以食舅姑次年
春夫婦病瘟幾不起次子天長子方四歲外家代爲
養之然初未嘗以貧苦故稍懈婦道從容詳和林下

風亦不是過親隣慕其才德比之謝道蘊云未幾夫

忽歿氏自毀容廢飾號痛窮天數日勺飲不入口或
勸之食氏曰吾小時聞諸父兄女寡曰未亡人言宜
亡也然則有亡而已何以生爲女有三節如見從夫
從夫於生獨不能從夫於死乎人各有志幸自圖之
且吾固有所甚甘於此非有所苦而強爲願聽吾毋
恐父聞之來曰勉之夫雖歿子夫之孤也可棄乎叔
妹姑所託也可負乎氏憮然曰然乃稍自愛憐哭泣
如禮旣而長子亦亡乃爲夫嗣其伯兄子長紀爲子
尋又以這殤自知薄命終無所恃遂矢志不再取子

爲繼且曰吾亦地下人耳爲叔未成立妹未嫁遲吾
大事久矣凡數年中日烈霜嚴雖織悉凜然苦節
操知道義之分不爲容不治飾天性勤儉組紉
皆爲叔與妹計後叔已受室舉子妹年已十七治粧
且具自計遺託稍慰遂痛哭其夫晡時慨然投繯人
救之不及遂縊死時嘉慶二十三年歲次戊寅十月
壬申申時也年三十歲距夫歿五年遠近聞之皆嘆
息泣下士林爲詩文以誌之者數十人其家令與夫
合葬於祖塋之女喪祭皆如禮復爲嗣其姪貌壯法

順爲子使主其夫婦祀

論曰死生之際難矣哉雖丈夫素俠烈者或猶未能引決自裁况號爲婦人女子者耶予觀節婦當夫在時志氣和平夫歿則慷慨赴死能不肯於道豈天性固然抑亦祖父詩書之澤不可磨滅有以深入乎婦孺者歟節婦行述秉筆者序列甚詳事有鉅細道無精粗故備論次使人見節婦之全則知節婦矣雖然人生居室無故君子偕老幸矣以節婦之賢而所遭若此倘所謂天道不可知者信耶其將借是以彰節

婦耶悲夫

孝子秦堃先生傳

附子均陶斌漢陶

汪杰

秦峯先生名際虞字仲襄爲前明蒼谷先生之詩以
明經終會於小劉山擇靜地象龜山因號築峯樹柏
疏泉崗山崖築洞讀書其中蓋卽仿蒼谷密止堂遺
意教子弟及諸弟子必先小學孝經與詩禮格言不
規規於末藝惟以樂實行教倫紀爲要其志大矣
生雖承顏怡志悉得歡心疾甚誠心感禱所
母病臥牀得飲食寒暑悉心體恤晨夕在側入

孝子王蔡峯先生傳

附子均陶姪濱陶

汪杰

蔡峯先生名際虞字仲襄爲前明蒼谷先生之裔以明經終曾於小劉山擇靜地象龜山因號蔡峯樹柏疏泉闢山崖築洞讀書其中蓋卽仿蒼谷密止堂遺意教子弟及羣弟子必先小學孝經與諸儒格言不規規於文藝惟以崇實行敦倫紀爲要事其父太學生噩承顏怡志恣得歡心疾甚誠心默禱祈以身代母病臥牀褥飲食寒暑悉心體驗晨夕在側衣不解帶者數年以諸醫不盡可恃遍考方脈諸書專心研

求遂精醫術邳邑以孝行稱者代有其人如劉少卿
濟黃學博錦皆爲親廬墓蒙旌表至今里人矜式先
生於乾隆六十年奉父柩及其兄葬城北鳳嶺東遂
廬於墓負土成塚躬親稼穡以奉先靈居三載歸前
邑侯毛公贈額曰孝行可風一時士林爲詩文以誌
而其子均陶姪濱陶亦並廬墓焉 均陶字世平庠
生恪遵父教無敢少違廬墓時入山村取水輒四五
里晨汲洒掃桌前灌漑墳樹率以爲常生平所爲亦
多有父風焉 濱陶字於河廩膳生四歲從蔡榮學

別無他師十歲卽有聲譽日未午輒呈卷令疑焉
試之而信復以經義質問遂厚遇之事親至孝父母
有疾晝夜不離左右必病愈乃已廬墓時晨夕灌獻
哭聲振野三年如一日撫幼弟弱妹曲盡教養外祖
趙翁卒於他鄉數百里歸其喪以早失怙恃每夢寐
中輒大呼父兮母兮聲不絕口其至孝蓋出天性云
贊曰余守斯土有激勸之責先生之曾孫寅弼出余
門下親見其父子兄弟率能孝友端慤不染世習益
知其先人之遺澤所及甚遠其純孝實足不朽於千

古故旣爲之傳復從而褒揚之俾後之聞風興起者亦必有歎息感慕於斯焉

車同全先生傳

劉大來

先生諱軌字車同世鄉人曾祖梧進士官至中書
察司副使祖廷舉解元俱祖鄉賢父子門生先生
性穎敏書過目輒成誦然肆力經義必熟讀之有所
得卽書於冊丹黃細字隙處皆滿批易書詩及四子
書小學綱鑑離騷劉芳草青芝謂其辨解精確惜零
雜無成書耳與耿逸菴介李禮山來章郭道遠毅劉
太乙青藜昆季相友善每會聚舉七經中義互相詰
難先生充口辨對如數家珍尤好程朱之學嘗以近

恩錄示王公栽培生日此六經階梯也願卒業焉公
載後謂人曰余兄弟知有正學一脈者皆先生倡明
之力也康熙三十三年金邑侯世純延修縣志考據
精詳凡有當迴狂瀾之倒拔正教之統者皆直抒所
見隱然任世道人心之寄平生友朋問答及金石諸
作無不羽翼經傳排斥異端未嘗以詹詹小言阿世
俗所好初張學憲九徵賞其文自此楊文襄詩李獻
吉時年方十七至五十八歲乙酉始以歲貢領解赴
禮部試方靈臯苞劉大山巖爭來識面李執國光地

謂是科元卷中州爲第一王阮亭上正自喜老眼無
花蓋爲諸生時阮亭耳其名郵書致意而先生報以
長句云自都南旋與芳草同行因言昔遭叔父家難
奔走營救馳驅八千里家產蕩廢自顧兩鬢垂白恐
與草木同朽芳草慰之且曰子一生精力萃於經盍
疏其義以示來者先生避之僅書數十條而絕筆矣
疾革時猶深自愧責公載往親勸之曰郊自蒼谷先
生亡後此道絕響久矣君獨起而續之吾黨二三子
倘能廣其傳焉莫非君之緒餘也嗚呼公載之言真

知先生者歟著有真志堂文集未梓詩集行於世學者稱平山先生

論曰昔韓昌黎推尊孟子謂賴其言學者知宗孔氏崇仁義故論著多有功於聖學蓋立言固不朽也平山先生發議持論恒思有以維風化而崇正教詞章之學誠優爲之而所好不存焉余司鐸於此得徧讀遺稿惜其潛德幽光未經闡發謹綜摛譜牒墓誌而爲之傳俾知先生非徒以詩文名世者也

陳佳山傳

郭景泰

先生諱伯瑜字仙圃天資高邁書過目即成誦百家
眾說皆歸其善尤邃於易乾隆四十年後知豫將羅
兵變避居內鄉之佳山因以爲號居其戶爲穴
以避外食諸倦即臥醒則披讀無間晝夜旣三年嘆
曰古人上友千古而我不出戶庭可乎獨步訪紫虛
老人於關中無知者半載始遇之盤桓數月東之晉
之燕徘徊青徐間與名流碩彥互相考證一意聖賢
宗旨時有同姓尹東省者構危疾療之而愈暫留署

中瀕海邑以私門賤官調陳尹攝篆不欲往佳山勸
之行駐近郊爲書諭以禍福良民恐俱殲立縛爲亂
者事遂定高麗使臣歸請於大吏携佳山入其國欲
留之不可乃送還一時名大噪京師鉅公爭以書招
致東撫乃送之都中經略某聘爲叅謀道出於豫發
使山中省視母以書召之持書見經略曰老母有命
不得共軍事矣時川楚寇亂豫南境多被害乃薦之
馬方伯慧裕爲練鄉勇千人火車二百輛以備用已
劉之協倡亂邾寶聞報至請於方伯曰妖人煽惑軍

小烏合大兵速至立即潰散待其盤踞勾結反勞
盡耳遂以程而進以二千人破賊十餘萬於霍家集
方伯曰知先生高尙不敢強以爵祿進產二千頃當
泰開勳動作黃桑八百可乎矣曰桑梓受禍誼當被
髮纓冠余豈有所利而爲之哉卒不受川楚平後移
家遷郊嘉慶己巳卒於家著有守愚記理解天德王
道圖涉世金鑑忠孝廉節傳待梓

論曰世以先生事跡多暴著於戎馬間遂意其必精
兵家言且以風角禽遁互相測揣嗚呼此豈足以見

郟縣志

卷之十一

藝文

先生哉觀天德王道二圖及理解諸篇知其所蘊蓄者深矣

司馬公傳

郭景泰

公生五歲而性存書太高祖以下世傳儒術家素貧
父母以公幼異擇名師從師讀既登賢而父病風痺
母又得痢疾無藥可治公奮祈減算以愈親古乙未大
挑公與吳英俱當一等主挑者指曰二人誰願爲知
縣者自念類寒賤遺宦堅不對吳遂入選旣了內外
艱服闋任然平訓導遇佳節淚輒泫泫下蓋傷其不
違養也初闕上蒸學篆謁謝顯道先生祠詢知祀田
典質已久立爲倡贖尤以未獲從祀

孔廟爲憾請於部守守漫置之或疑顯道有近禪處因憶性理精義凡例中有

聖祖仁皇帝褒贊程門四子確證無慮部駁檢出函致言路不果行乃手鈔事實册並呈稿送蔡合諸生呈請學憲已批會奏而事又寢旣而復請人以爲難卒不顯已西竟得

旨俞允生平操履一以誠心爲主見義卽行無所留難

癸酉大饑次歲大疫流離死亡慘人心目急難

百餘緡半以捐賑半以捐賑女

車鬻田自活恐周之而復鬻也權收契給價賤旣稔
卽面焚其券姑媼無依迎於家奉養終身鄉先生郭
道遠墓後裔草草遷移以售其田誌銘拋棄路隅公
子金汪郵書達鎮卽命贖還另具十棺原所封固同
官某妾已放歸母家賣婢於青樓中聞之立贖回贈
以衣物與良民爲婦白束髮受傳習心世務不規規
於章句采輯經史著涉世要法任兩田孝廉爲作序
嘗語人曰此篇薈萃前賢格言信涉世者之指南云
咸豐辛亥卒於官子金汪九品官金燧舉人金坡六

品軍功

論曰處事貴定力然必先有定識不待計較而能行者安仁也深知利害而必行者利仁也力行既久田明得誠則沛然肆應矣甲辰學憲試南陽武生某因事欲罷者十三處武童涵涵勢已莫挽公挺身出上下不數語事立解嗚呼此豈臨時可猝辦耶

司訓高愚溪先生軼事序

路

璜貴州進士

從來志定不渝久暫氣至可亘初終而裕乎志氣之
先周乎志氣之內統歸一誠所貫注彼中阻者易墮
近名者鮮實求爲一手足之烈不可得况乎闡儒宗
崇實學時異勢殊有志竟成卒使大吏動色而入告
天子明詔以馨香非誠之至烏能抑塞於前揚厲於後歷十
餘年如一日乎是可見先生之爲人矣道光二十九年
六月禮臣得

旨以宋儒謝良佐從祀

孔無位在先儒楊時之次從豫撫

潘公鐸學臣俞公長贊請甚盛典也顯道程門高弟
篤學力行所著述羽翼聖經同時如尹楊諸子均列
宮牆而顯道五百年間鮮有置議

聖祖仁皇帝御纂性理精義凡例於程門四子特加

褒美當時儒臣輩出超軼漢唐而顯道俎豆明禋略不暇及
迄今祀禮成一時中外士大夫以手加額羣頌

聖主崇儒及當道激揚庸知精心果力積於平日景仰之私
乘於上下推崇之會爲我愚溪先生始終其事乎先
生賢序一官無發微闡幽之權而乃全力主持無貳

無疑亟亟乎惟恐典禮有缺爲我愧非潛心碩學靜
契真儒烏能逮此先生諱五常號愚溪讀書務實踐
嘗編先正格言鱗次左右以證躬行由副車中戊子
鄉試以教職選用初攝上蔡學篆立身示念學人向
化謁謝顯道先生祠倡贖祀田深以顯道未與祀典
毅然引爲己任爰哀上蔡語錄及傳志請於郡守守
疑近佛卽援適莫章謝註力爲辨定守允所請因量
移中輟旋改司鎮鐸指性理精義凡例語諸子曰煌

煌

聖製優贊特加證據確然不致部駁何所疑慮哉先後函致鄉人官言路者剴切敷陳浼爲力請不果行乃於學使者案臨汝郡手鈔事實冊屬清要先容復擬呈寄蔡諭諸生公籲已批准會奏而豫中河患賑務起矣議久無成苟信道不篤未有不默而息者蓋志氣衰則精神沮自來功敗垂成學隳半途皆一念退阻爲之而先生則斷斷如也歲戊申日諸湯公入諫垣復如前馳請將上達儀曹某知之覆書以事由本學通

詳可期贊成第更番見抑同輩僉有難色先生慨然

曰闡明正學吾輩事也。顯道先生爲一代名儒，幸際
休明，斷無久漚之理事。之有成，定於斯舉。復釐繕冊

結寄蔡鈐詳嗣

命下如所請，而先生抱病臥簣，猶及見抄報。蓋至此先生事
成而志遂，力瘁而心安，可以對先儒，可以示子孫，並
可以告天下後世。之宣揚聖學，崇闡賢關者，而原其
初無近名之心，無中止之念，反覆力持，卒底於成。在
易之恒曰：立不易方。在書之辭曰：慎終於始。先生有
焉。余固敢爲之信。曰：一誠所貫，注而已矣。喆嗣望曦

能讀父書由拔萃爲名孝廉余兩至鎮邑晤望曦於
官齋盤桓匝月備悉顛末因屬余爲序余愧不文未
能發揮前美恐閱久而湮則先生實行不彰余之憾
亦望曦之憾也敬拔筆紀實以爲之序

報功祠記

郭景泰

政莫尙於得民心而立石頌德方任事則令典禁之誠恐上有所威挾而下或諂媚爲攀援梯階其弊將不可勝言然德可辭飾而功不可意造果其功及於民必有爲民之誠心民之報而頌之者發於心之不能自巳斯光明磊落無所用其嫌避前邑侯以修城功祀郊者開拓土城爲武城王公以甃易土爲涇陽趙公相繼十年成趙公之功爲華亭許公全州伍公在流寇剗平城垣後修不啻創爲安東卜公夫修城

本守土責資邾之財用邾之力修邾之城而邾民尸而祝之至今思慕衛民之誠心感格於靡已耳然則今邑侯陳公之功又何如哉自逆氛不靖延及數省去歲闌入豫境所經數十州縣城之宜修百倍昔日邾人財力並詘侯攝事又非久任而慨出私財獨力興作闕者補之壞者葺之稍未堅緻者皆拆而更築之物與時同價工與時同值未及周歲二千三百餘又之城煥然維新侯之功豈尋常所可擬哉時吳楚道梗江南北無敢資重行者侯命諸子輦家資自江

右來豫崎嶇戒備與賊相先後者千餘里數瀕於危
而卒以得達豈徼天幸哉衛民之誠默相感格固有
呵護於冥冥中者矣禮曰捍大菑禦大患則祀之夫
值警備之時能修城以衛民其爲捍禦豈小故歟堂
人爲侯建生祠顏日報功侯之功信無愧於王趙諸
君子哉侯江西德安人名學清字述之號泗津辛巳
舉人由學博保舉知縣於咸豐四年攝邳縣事遂獨
修城垣焉

孝廉張退思傳

郭景泰

公諱洲字濤龍別號退思幼穎悟初學爲文每驚其
長老值家中落使服賈心鄙之潛挾卷冊日披覽不
輟嘆曰貞端木之賢孔子嫌其貨殖吾甯耕耳會堂
叔設帳父城擄去一載歸爲鄉塾童子師資以誦讀
晝夜攻苦研窮經術不規規於帖括補博士弟子員
父歿後兄弟以貧故各分爨涕泣數諫不從乃獨奉
母居益自磨勵登賢書硯田所得不置寸產悉與兄
弟共之終身不易謂諸子曰財產外物耳忍以此坐

視同氣凍餒耶年五十六卒於家無以備斂具焉子
高標廩生高邁高行庠生

論曰貧豈能累人人自累耳以退思所處之境讀書
立名重倫尙義足以自表見於世豈非讀書有得不
以貧賤隕獲者哉

邑侯陳公獨修城垣記

張崇

邾城周十餘里於縣制爲特廣蓋汝州屏藩東都代
立重鎮而邾實爲之門戶况秦晉通衢皆出於邾誠
形勢扼要非他邑可比擬也去歲粵匪竄許相去僅
百里人情惶駭築土作障補苴隙壤然猶苦不給賊
之不至者幸耳今春侯攝篆來治事甫下車閱視城
垣卽亟謀重修之而民力方困借資實難南北方調
軍食又不得輒請

國帑侯慨然曰此急務也余豈以傳舍於此而不竭力

以成之哉卽擇吉興工併日偕作廉俸不給悉舉家財自江右來繼之歷數月而仡仡言言表裏完固視古所謂銀鑄鉄甕者無多讓焉昔彭大雅修重慶不用記序但大書深刻爲西蜀根本重慶何以云根本形勢扼要故也然則侯之功豈止及邾人已哉是役也始於三月壬子竣於九月丁丑職其事駁尉熊君良佐黃君應燮陳君溶侯子維鏡崇善維楫邑人九品官馬殿功武生馬成功均與有勞焉

別駕李公傳

馬時芳

公諱清玉字粹甫別號荷風會祖諱率中附監祖諱
廷階曾祖邑乘父諱月癸酉副貢公生而穎異長以
孝友稱博覽羣籍尤好吟咏一時推許嗣齊魯憲乾
隆癸卯中副車以州判筮仕皖省初署天長池河驛
事旋授宿州州判宿幅幘遠關所駐臨渙鎮去城九
十里始下車延見紳耆咨訪利弊凡益民者無大小
皆力行之人方訝爲精明吏及雀角鼠牙多方勸免
務以德化杖笞罕用遂欣然有善人之目壬戌冬習

教匪者將潛據州城公在城已十餘日二鼓出城三
鼓亂作蓋賊多宿人夙感德惠故遲之不忍害公也
賊破滅後餘孽復萌公亟請兵上憲而陰縱反間且
使善卜者緩其期大兵既至賊猶未動既被誅上憲
欲特薦公辭曰更不能以德教化民使不入於邪僻心愧
甚矣敢固以爲利乎卒不受旣而引年告歸宿民涕泣送
者百餘里不絕歸田數歲卒著有荷風詩稿詩話
論曰別駕無民社專責然實行善政雖賊亦不忍害
之使天下司牧者果實心爲民而謂猶有亂民乎哉

幼儒郭公傳

李長齡

公諱久醜字幼儒七歲失怙及長孝事繼母有人情
所甚難者委曲詳盡內外無間言穎悟絕人書過目
輒不忘履箚既富尤好賓客一切醫卜星相互相究
論窮晝夜不倦時川楚未靖數及城邑人心畏
言兼習拳勇黑夜居中持械使多人環刺之無能中
者然與人交謙恭遜讓非切近不知其神勇也陳佳
山先生高曠豪邁少所許可每日於吾鄉惟得幼儒
一人力薦於馬方伯敦聘之以母老備庚申教匪劉

之協煽惑邠寶聞將爲亂寶臣王遠志謀於公公曰
速發之則禍小俟其謀定據城邑結外援全豫震動
矣授之辭遣歸鳴於官拘獲其黨十餘人嚴訊乃知
賊欲於城外殺一人官出驗則賊官據城距所定期
不及十日賊旣倉皇舉事乃據翟家集二十四日夜
賊縱火環邠城東南兩面毛巨侯率紳民守城公曰
不戰而同守坐困之道也次日率武紳鄉勇出城追
賊游騎敗之賊悉渡汝去無敢至汝北岸者焉方備
大兵至襄徵糧於邠限一日至軍前道路危甚邑侯

懇公一行每有問應曰某某軍前解糧輒驚遁去如
期果至方伯欲留之辭曰賊憚某虛名不敢北郊人
復恃某爲固聞某留軍中賊如突襲郊城恐誤則公
憂卽遣還賊旣破滅方伯旋省垣留委員四人同陳
任山辦善事後宜適得賊名籍委員欲盡擒治任山
爭之竟日不決密謀於公公曰無知脅從鉤之而已
佳山卽索火焚籍事乃寢委員勸公就席笑而不答
但託其周旋爲繼母請旌建節孝坊花晨月夕與賓
朋談讌絕口不及武事有疾求醫者隨意處方劑無

不立效年五十七卒

論曰才難一語古今同慨然如吾舅幼儒公仁信智
勇王景略一流人物乃竟不爲世用則又不僅生才
之難也噫

拔貢高生傳

河南督學使者 景其澹

余奉

命視學中州值辛酉歲舉行拔萃科於鄭縣得高生
名雲章性沈毅自其少時已能讀父書長爲文滔滔
數千言獨以闡發義理爲宗不屑效時世裝爲炫售
計可謂能自樹立者矣是年冬皖掄擾鄭生率鄉兵
督前隊力戰以死余聞之哭之慟旣而思之轉欣然
於取士得人能敵王愾而不愛其身之尤爲卓卓也

亟拜表請

血於

朝且聞諸郊人云生事繼父能孝於弱弟能友處鄉里
能和睦涉世能以廉潔植品望吁兼此數者而復以
敵愾死高生其不死矣彼世之遇敵退縮重愛其身
者皆不愛其身之甚者也聞高生之風亦可以少愧
也夫

固園空虛記

張熙瑞

癸亥春余蒞茲土簿錄囚徒僅有數人期年獄空遂
與僕森然來府儀象 上憲記功獎勵夫刑期無刑

上治也民不犯法美名也然有本焉必四民安業各
遂其仰事俯畜之樂又復化導勸戒使禮義之心油
然日生以懷刑而守法庶幾近之余方歉然自愧其
未能乃違此盛事於軍旅倥傯之時足見邠民之謹
愿而易治然因民之謹愿易治而余所歉然未能者
竊願惕然自勵者矣昔劉昆反風滅火虎負渡河偶

然之對傳爲名言誠不欲以美名自居而務修實政
之爲亟也爰勒石以代箴銘

孫賡唐高雲章周桂謝封州合傳

郭昌系

孫賡唐太學生素剛烈任團練事不避嫌徭美太臨
犯難督眾禦賊過於教場坡之東連放二礮皆橫裂
人心震恐賡唐踰礮上令連燃之連蹙賊無算所率
秦金山陳維嵩等數百人皆精練一當百者鏖戰自
辰至哺賊幾遁旣而他保已潰賊併力攻之圍急礮
倒盛藥器自縱火與賊百餘人俱轟斃 高雲章拔
貢生性孝友重節義博學能文尤留心經世之務虛
心講論師友皆許爲偉器戰之日與孫賡唐隊近或

謂君書生宜稍後叱曰報國全家安危在瞬息謂此何事乃以書生爲懦夫耶身被數創猶大呼殺賊是糾於石遂遇害 周桂庠生四世同堂孝事諸父食指數十人一身表率內外雍睦教場坡之役攻賊之背馬蹶墜地翻身挺立持刀立斃數賊力竭遇害

謝封州庠生居喪盡禮諸兄每爲人言其悌感歎服喪重寡言而喜談節義旣督團練率眾出必以節義爲重寡言而喜談節義旣督團練率眾出必以節義爲重

大義反被開喻聲情慷慨聞者感動將戰於教場被適有事在他村或勸之潛避毅然曰棄賊不仁違難

不義不仁不義雖生亦奚爲卽反隊戰歿歸其屍面
如生

論曰教場拔之役賊雖勝死者甚眾至今有畏郊心
孫生等皆書生慷慨赴義無愧古之烈士彼裹糧坐
甲者可以奮矣

馳贈儒林郎津樑先生傳

白景新

公諱凌漢字文光吾鄉北平王馬莊武之高純篤好
義父葆中公諱養心嗜學善書學使器之延諸幕客
歿梁園公號泣奔喪扶柩旋里路人感動事繼母何
太孺人數十年以孝聞同母五人公居中異炊後家
計皆窘癸酉大饑人相食鬻田者價減十倍公少有
贏餘咸謂宜置產爲子孫計公太息曰財產薄異日
可厚兄弟缺千載難續其坐視兄弟餓孳死而置產
以貽子孫子孫烏能享其利哉遂傾囊措置俱免東

餒姪孫某無依養於家既長而歸之家不中人貲而
好施橋梁道路藥餌之費前後數十百緡又焚數百
緡債券鄉里重公之德雀角鼠牙得一言輒解道光
壬寅卒年八十一歲子二會元重香

宿神龜招李二十八馮十七

唐
韓愈

荒山野水照斜暉
啄雪寒鴉趁始飛
夜宿驛亭愁不睡
幸來相就葢征衣

檢覆邾城旱田示同官及寄河南諸賢

宋
劉攽
字貢父

昔歲歉無年今麥仍薦饑
罷民去南畝賤價捐東菑
藉藉道路間餓者何纍纍
藜藿不充腸茶然旄與倪
嗟我祿代耕每食爲不怡
徒懷仲由志身賤那得施
屬城上民訟比

牒皆苦詞奉詔實有無百聞謝一窺星言說桑田行與父
老期觸熱不敢休重趼甯苦疲郊原赤如赭秉耒無子遺
菹藝不可分四旁生蕪藜流行誠代有愚弱豈易欺附上
亦有刑殘下罪攸司鄙夫不忍此告吏咸赦之庶茲咻噢
恩足以蘇憚發大農急經費言利析毫釐二吾猶不足一
切甯爲宜國僑敏爭承鄭邑用不危馮驩焚券書田氏人
若歸區區二小邦兩士能若茲當官在必行匪石安可移
諸公悉吾友此志良弗非當令狗路人一聽狂者詩

婆娑園

宋 崔 鳴 陽 翟 人

曉禽噪竹千百響殘菊橫枝三兩花好
在山園養衰廢風波不到野人家

送詩人秦儁夫歸蘇墳別業

金元好問

太原人

三月不見君還心欲生塵論文一樽酒雅道誰當陳
昨朝覩君臨水忽乃知抽青配白非詩人南山明月北山靈
恨君不作由東鄰擊鮮爲具非無好事者天隨杞菊年年新
石田茅屋連蘇墳兩兒力耕足養親君詩或者昌晚節不
應道路長逡巡白髮刁騷一幅巾豐年鄉社樂閑身蹇驢
馳入醉鄉去袖中知有眉山春

贈蒼谷子

李夢陽

元雲霧白日積陰何漫漫風氣日以鬻泥雨常不乾漂
委川塗百卉良可歎覽物懷伊人撫膺悲涼寒憂來如亂
絲理之琴無端爲霜念逝鶴多露怨芳蘭所嗟聲影隔匪
懼馨香殘徒把瑤華音長謠望林巒

逢邾王子

相思故水月相見帝城春紫邏雲燁迴青門柳色新豈如
題鳳侶疑是好鸞賓醉卽揮鞭別金龜報主人

六子詩

何景明

六子者皆當時名士也予以不類得承契納輔志
勵益者多矣病歸值秋瘕嘆中夜有懷良友作六
子詩
錄一

王職方尙綱

職方吾益友契誼鮮與同少齡負奇氣萬里飄雲鴻手中
握靈芝高操鷹孤桐讀書邁左思識字過楊雄爲辭多所
述結藻揚華風寸心素相許撫志慚微躬

寄王職方

故人王郎天上客一歲寄書几兩束山中病夫儔侶稀念
子不見心轉鬱長淮浪高河無梁我無羽翼到爾傍京師

南來四千里春鴻秋鴈每相望

望京師寄王職方

北望依南斗長安萬里愁西風入上苑楊柳落金溝雲近
蓬萊閣天迴太液流仙郎歸畫省高詠接同遊

雪夜九梅翁園同蒼谷宴集二首

郊城風雪夜驕馬出誰門乘興甯迴棹寬愁數倒尊
開洞壑楓岸墨沙村朝市山林意非翁未易論

二

冬夜南園集攜遊興未窮登臺望積雪下嶺逐迴風駿愛

林中馬冥思海上鴻不因蒼谷子誰識九梅翁

九子詠 錄一

李夢陽

王職方錦夫

職方昔垂髮邈邈在梁汝邊關匪豹隱攀邵遂鸞翥鴻詞
振宛洛一一車音呂訪戴諒不惜縱臆非所許

過抱哥村

王尙綱

中原昔喪亂義姑出里門遂使千載下抱哥猶名村伏臘
走祠廟義姑儼有神維茲困饑僅逃亡盡四鄰空過抱哥
村不見抱哥人

出蒼谷山二首

逶迤北山道風勁欲摧顏
寒鴈紛成陣岩華亂匝斑
路絕黃澗曲水繞白雲關
絕頂開山盡曾無寸土間

二

不才安濟世無病許歸田
况復庭羸母同臨遲暮年
鄉山共採藥澗水學耕煙
何幸中秋節長吟下潁川

扈灑觀漲

陰雨連秋夏平川見海濤
牧牛忘去路征馬聞歸橋
走石山摧陣回風浪批刀
不才方際險無補聖明朝

平山觀漲

獨立平山下居然萬井憂行潦
明積水迺逋是今秋色變
林花舊落空山鳥愁飛鸞誰奏賦
淮海罷遊

謁李獻菴先生墓

下塔亭南八畝墳山靈長爲護
風雲江東鳳起原高會海
北龍飛自不羣柱國有功歸太史
傳家無譜續遺文臨風
幾度空惆悵馬首荒林又夕曛

高孝子歌

郊城野谷高孝子三載倚廬棘
蒿裏鬼吹墓前燈龍噴泉

來興志 卷之十一 五
下水霜狐雪兔嬉成羣烏陣多如壘上雲朱花瑤草綠芳
芷松楸馬鬣堂封起高孝子謦轉悠人生塵世孰無母歸
來嘆爾先白頭

抱哥灣

仝悟

義姑寺下水潺潺逢人說是抱哥灣灣裏桃花紅蕪蕪老
人愛住桃菴屋爲問誰稱魯義姑老人一笑霜鬢枯當日
赤眉走白馬旌旗蔽空山原赭姑抱其姪與其兒力不能
支氣吐霓兵戈漸近山嶺萃我姪我兒皆骨肉含血呼兒
妾道傍襁負弱姪走山陽一灣流水聲嗚咽天地怒號風

落葉義姑抱哥臥水灣萬木爲兵障草營精誠已貫三千
尺亂臣賊子清魂魄問誰巾幗隱蒿萊凜凜英風眉未開
義姑泣謝青天日吾實有兒并有姪伯道血印已垂之泉
下吾夫只此杖瓶土香聲淚兩潸吾輩虛生天地間抱哥
氣吐灣前水當與山川永不徙投戈放馬謝東陵從此乾
坤不沸騰及今抱哥灣上草終古青青長未老我聞其說
拜墳頭灣裏涓涓水自流義烏飛集墳前樹嗚嗚嗚嗚
不住男兒仗劍爭如姑幾箇凌烟閣上圖老人一笑一淚
漬誰無君臣夫婦義有胸爭似義姑心致教劍戟滿山林

請君試看墳傍寺龍樹香花留古字

王喬洞

李宜春

山洞幽深自昔奇飛來偏愛白雲低豈聞絲素多公暇只
爲棲元與世岐滿縣李桃花共笑雙鳧霄漢鳥無羈羞同
俗吏頻鞅掌仙令風生日已熹

銚期樹

高素可

邑人

將軍生氣樹長留父老相傳不記秋古今人物消磨盡孤
幹亭亭石上頭

贈王錫引孝子

明

李貞佐

百行之首惟孝道教化凌夷人不曉曾子孔門稱大賢酒
肉必爲親醉飽世人貨財私妻子不顧父母可嗔惱古羨
邾邑王錫引空谷足音晦暝曠堂上巖岩鬢點霜夙夜惟
懷憂親老體饑問渴供奉周膝前左右常旋遶孺慕親沒
猶罔哀隻身廬墓臥豐草帶月披星狎豺狼只爲當初酬
襁褓而今敢望不辱親但有能養便是好雖曾充役瀾街
頭聖賢屠販也不少頂冠束帶我爲儒按躬自反愧不如
呷帖之悲可若何一番低徊一號呼古不沒善頌說項闌
孝得不旌爾居敦請耆賓厠聖典洵可追陪非濫竽萬古

日月萬古心緇衣一念那個無

獨酌歌

張篤行

先生潑興一至此酒胆輪困驚人死戲把簪纓天外擲五
侯七貴皆遁跡風也狂乎手自拍大笑呼童邀好客瞥然
一客墜碧空自稱曾住廣寒宮清影婆娑透房櫺束身跳
入酒杯中旁臥一客名號鍾能翻滄海弄吟龍一曲高歌
酒一鍾一客背立氣成虹陸離光怪倚崆峒胸羅七星肝
胆明醉中往往說不平一客端坐號陶泓醉據几床不能
行詩魔欲來草聖成空瀋淋漓當面傾酒氣勃勃丁指生

有客有客復爲通說是當年文忠公公來洗盞酌更雄醉
手題詩老筆濃相看四五翁各人出所能酒巡到手不肯
停彼此分明稱弟兄彼一盞此兩盃帽落眉呈遮醉眼身
似雲輕酒量滿憑君散去我不管侍兒扶醉生還惟有
泠泠滿庭明月閒琴劍蕭蕭研光寒東坡墨跡長闌干

趙子昂碑

在白墓爲元
鞏武惠公題

道傍突兀一片石穿雲摩斗百餘尺下有老龜不記年雙
眼睜猶連天碧人傳當年化爲妖一夜食人十畝麥我來
聞之疑且驚惟見霞光石上橫石上字書者誰子云是趙

家松雪翁幾行銀鈎似幾行鐵畫同幾行跳龍與臥虎驟
雨復旋風幾行長劍孫娘舞渾脫幾行亂花天女散碧空
呼僮柳邊且繫馬我欲三日坐其下寄語山鬼好護持莫
教霹靂夜來打君不見前有黃帝釣天臺無人識取混草
萊又不見直北一里卽蘇墳殘碑臥草半無文安得此翁
如椽手題遍山頭傳不朽

王喬洞

下尺雲埋柰爾何仙家只許此中過當年經落雙鳧烏惹
得人間下網羅

吊姊妹二女

張含美二室女流寇破城
知不免相繼投井而死

卜永昇

姊妹相依痛妙年同心共命計能先自甘泉眼藏芳骨不
許塵頭傍曉奩殘月並留機織錦片雲偕化鳳登天及今
名姓高聞譜浩氣雙開玉井蓮

賦輓劉氏

生員張晏之妻流寇
陷城同女投井而死

王昕

珠探驪夢志如何慷慨捐軀矢不他勿逐干軍汚汗馬願
將雙壁挫干戈體分母子情同戚義重綱常事不磨血灑
寒泉無愠色祇留貞節映藤蘿

夔州志 卷之十一
扈澗

百尺浮空遶扈陽山光不辨思茫茫雲連半嶺柴門靜霧鎖長林竹徑荒色借朝暉開翠黛烟疑曉澗翳扶桑看來縹緲深籠處猶是雞聲促早裝

張明府夢蘇行

有引

任

楓

臨汝人

東坡先生宋時曾團練吾鄉世代寥廓復值兵燹卽汝帖諸石刻亦且與瓦礫俱破而楮煤真蹟猶存人間謂非東坡之靈留以待知已耶爲此作詩奇之戊子春日

郊西蛾眉簇錦髮長岡百里擁蘇墳宋室文章蘇子生

予何而葬于此五百年後此荒涼况是城西賊正狂公然
伐樹且發塚不怕奎宿在帝旁東坡一一奏帝聽却教張
公爲鄰令張公到來髮上指卽殺其賊並賊子從前夜雨
泣鬼神今面後喜可知矣清明種柏新滿塋葱葱鬱鬱隱
碑銘昨夜雨深林影亂曾見東坡樹裏行東坡風流號爲
仙分明遣使約張顛夢裏青僕說臨汝坡翁欲會山東賢
臨汝何處有坡翁畢竟相期是夢中誰知夢裏青僕使攜
來墨蹟贈於公墨瀋未乾玉如黑東坡在焉呼欲出兩人
相視忻然笑世人所見皆形質摹墨鍍綠石霹靂不敢擊

藏之蛾眉巖風雨護千尺蛾眉風雨千尺屯千秋奇事讓
奇人濟南也有蛾眉雪未必公非坡後身公才如龍力如
虎能使先賢安其土先賢已去誰能見而復與公通楮硯
蘇填石上數行書霞光日夜蒼虬戰

花汝石

全廷舉

斑駁成文種種清玲瓏蒼碧透波明風生龍窟沉珠璧雨
過鮫人泣玉珩攫自襄陽米芾袖箝爲仙子赤霞城梅花
書屋閑收拾恠石將來映水晶

風雷一夕幻沙谿夾岸桃花隔水低渡艇漫移青艸外漁
歌早過綠楊西劉郎不記歸時路司馬難留柱上題我有
一編堪進履誰從鯨背吐虹霓

吊李室女

耀州知州李應申孫
女土寇破城死

李節斯

因兒小小識詩書未字人家勒髮初山狼偶爾薄城郭蛾
黛含羞雲未梳一旦甘心紅絡索直尋好夢履金車淋漓
一片血應同雲卷舒馥馥浮生骨香風萬古曠芳年弱質
英魂壯浩狀之氣還太虛堪憐朱紫徒富貴陰雨綢繆漫

拈据

奇樹接青霄危樓雲漢高
書香昨夜發風送上扶搖

婆娑國懷古

金世純

婆娑掩映久沉淪千載高懷仰後塵
辨斥賢奸山嶽重遷居田野家聲
絕苑池深草樹無人掃鳥倦還飛不計貧
樵客過來亡渡口我今何處問迷津

靈泉寺感懷

新秋散步至靈泉訪到僧寮別一天
壁立老峰悲世苦蕭條古刹喚人閒
利名非覺拈花笑富貴空知瞑目間
滴滴溪聲心已碎那堪木落倍淒狀

奇樹接青霄危樓雲漢高
書香昨夜發風送上扶搖

婆娑園懷古

金世純

婆娑掩映久沉淪
千載高懷仰後塵
辨斥賢奸山嶽重
遷居田野家園新
花溪寂寞無人掃
烏倦還飛不計貧
樵客過來亡渡口
我今何處問迷津

靈泉寺感懷

新秋散步至靈泉
訪到僧寮別一天
壁立老峰悲世苦
蕭條古刹嘆人閒
利名非覺拈花笑
富貴空知瞑目間
滴滴溪聲心已碎
那堪木落倍淒然

蘇墳懷古

趙光耀

寒食蘇墳緩步時
白楊翠柏不勝悲
才堪王佐權臣忌
學入賢關洛黨疑
一代文章三父子
千秋俎豆兩峨嵋
當年下石人何在
不朽芳名可是誰

藍橋春漲

張學浚

杭州

三月汝南春雨多
藍橋春水接平坡
沿堤草長無行路
騎馬客來難渡河
楊柳陰中維釣艇
夕陽郊外聽漁歌
明朝鳳翅山前望
依舊長虹跨碧波

古寺靈泉夜未央一池皓碧浸蟾光清淨土從空界影
入諸天向上方來時真景真是幻高低變滅法中王老僧
欲了殘經義坐對清輝寶篆香

謁蘇墳

宋名立

蘭山人
明御史

聖主如天覆豈私小臣愚暗罪何辭汝陽葵藿不足恥謫
居山愛小峨眉捐軀報國忘歸路一抔戩身端在茲當時
四海一子由世世兄弟相追隨鬱鬱佳城眠長夜脊令原
上和鳴悲木本水原推所自衣冠瘞埋事尤奇眉山三君
繫物望建祠肖像僉曰宜斜川苗裔散何往廣慶寺燬僧

安棲數頃山田占里豪松竹斬代爨下炊陵谷變遷亦物
理修興條廢會有時我來瞻拜肅起敬目擊荒穢久不治
緬想高風足千古文章事業真吾師延陵伯仲敦鄉里後
來何人復繼之張君慕賢思爲義一言肩任無委推歸田
給僧供廟祀遺豆一餅一俎奇版築濼垣衛堊域樵蘇嚴
禁犯者笞寂歷深山明月夜彷彿靈風寒天歲前倡後續
引勿替作歌用告冥有司

秋日懷仝車同

李來章

襄城人

汁載蹉跎尚未逢橫攤青史起悲風稽古一讀一救一原一無一似一阮

裕沉冥想許同階畔素筭遲皓月簷前疏雨對孤桐思君
尙有柴門約何日相將賦桂叢

與車同送麥用昌黎喜侯喜至贈張籍張徹韻

鄙性拙謀生瓶罌不掛念日惟諷殘編晨昏日喁喁誤計
嗟已老霜髭不可染雖存雙鬢銘頑愚難訂夜交謫豈無
言忍饑自不厭碩人銚才華崆峒倚長劍雷雨纏蛟龍夜
電爭爍閃學悉委與源楸櫟起昏墊梁雍抵青徐金簡方
可驗珠貝與木難珍怪無少欠所蓄抑何多海舶停買店
爲儒至吾子奢願似已歉鼎食何足誇青史行騰豔所料

何不然驚愕舌還澹帝閭萬里遙阻絕隔天塹麥收日向
長枵腹理松槩日者聞兒說突冷無炊爨予自憐慵迂對
君未肯占欲爲貸監河遠計何能贍所餘袖中物獨享不
忍僭

寄邳邑趙置公

八十年已過老益嗜讀書攜帙松陰下嵐翠濕衣裾日看
嵩雲白向空自捲舒不煩乘風雪遠跨灞橋驢琅玕撩詩
興霧夕咏芙蓉唱和三十首駛如溜決渠簷花落寂寂爐
煙裊徐徐薜蘿雲五色光怪凌清虛鄙况困塵冗歲時會

面疏每眺峩峩月西望起長吁汝水共煙波紫雲接做廬
詩成誰與讀亦念樵漁望裁剡溪藤寫寄薰風初未愁
隔雨舍河中有雙魚

哭車馬

晚拔中原轅轅馬日半蒼豈知仍躑躅不許遂騰驤死屈
平生志貧無隔宿糧爰荒萬里外哭爾淚淋浪

其二

方朔解印載九老結香山藜杖時相過岩扉與共攀萍踪
留粵嶠鶴馭去人間遺草誰收拾所關非等閒

其三

送我來交廣偏深鹿洞章深知同臭味雅意不尋常飲水
盟心久囊雲蹋石涼共誰譚曲折嶺海浩茫茫

秋風起楚辭爲邳邑節母屈夫人作

秋風起而摧蘭蕙兮羈雌號於中林雪霰零而弗輟兮當
黥黥之層陰不知朝之爲朝暮之爲暮兮常抱耿耿之寸
心所永矢而弗諼兮鞠嗣子之恩勤歷三十年如一日兮
名成行立乃得以有今惟夫人之茂節兮駕栝柏而拂雲

題郊邑郭節母欽旌錄二首

迢迢經一世歲月抑何長
其命分朝翼孤燈結夜霜
田廬無割據節其龍宮舊產不爲遠於所奪子舍有輝光
辨此良非易冰肝與

石腸草莽幽閨裏上膺

聖主知蟠龍錦絳闕別鶴奏朱絲
節並神嵩迴名同皎日
垂汝流何湛湛堪續柏舟詩

前題

婉婉閨中女如儒稱碩彥七誠早
諷吟二南能貫串手持并州剪
裙裁鷺溪絹五色繡蛟蝶雙飛詠
胡燕百輛桃花

開雙星河冰泮淪茗半夜讀期待金華殿誰料鸞鏡破人
事忽一變藐孤方彌月血脉存一線萱堂兩鬢皤鳩杖持
還顛從死事未能朝夕供珍膳寒夜慰襁褓酸淚頻自嚙
誰憐荼苦心冰雪結成片乃有犬彘輩欲撓金百煉覆卵
與毀巢狂謀相搆煽一紙血牘成松庭飛霜霰隱隱聞雷
聲烜赫騰赤電送姑葬青山課子熟黃卷華髮渾全落勞
筋亦久倦苦節信間里高行垂史傳生已荷

帝褒死可見夫面郊敖埋劍地林木夙葱蒨靈氣鍾人物
婦節亦壘見不足更長言津津服人善一幅託百風可以

酬筆研

謁蘇墳

全軌

東望峨眉白攢峯了可辨屏風兩翼張
草樹鬱蔥舊下馬沂洞溪憑人跳古澗
尋陵少小心翁仲驚初見萬柏擁神
靈風悲雲忽變寒泉用比德酒脯敢
輕薦鄉已失鈞臺墓猶封邾縣千秋
更仰止不獨范滂傳

塚頭鎮

偶然鴻爪憶東留廿載重來半白頭
黃阜已隨沙嘴沒藍溪猶繞砦根流
論交墟在稀高會通德門荒斷昔遊
惟有

健兒偏氣象呼盧處處酒家樓

高四歌

君不見崇禎中流賊土賊破邳城殺人如蔴屍縱橫蒙恥
救民有邵令自稱身是八隊聶爺營土賊雖不殺流賊終
不容至今城西沙窩道尙有當時斷頸之遺踪豈知邳城
再陷流賊手李侯忠愍死不朽同時烈死惟高四寸嚮至
盡大罵不絕口嶗山有時頽汝水有時枯惟有忠臣烈士
心炯如日月萬古臨天衢高四健者本邑子練總鄉兵其
名凌雲是先年未帥鄉兵口土賊百計驅從已壯哉高四

勇有謀誑賊夜半飛入城四樓近城大呼賊且至空率
莜去如鷹士賊復自東關入戍卒空見如雲集飛炮聲
烟蔽天高四縋城賊奔北李侯當時已贈官到今高四誰
爲言揚州賊表英烈何況百夫之長斷舌如常山注者
日以湮來者日以少安知罵賊榮但知作賊好李生雅抗
春秋志罵賊作賊皮裏森然例屬我特作高四歌褒往庶
鼓來者氣吁嗟乎修短一死誰能免等死作賊死亦穢獮
猴伴死無人憶五十年來歌高四

白家屯過鄉先生劉雙溪楠故宅歌

城東三里白家屯榆柳重重暗一村荷鍤參軍神廟日拂
衣來此閉松門西州觀察親投謁夾道旌旗映日翻惆悵
幽人不得見前堂客坐後跳垣百年淪沒淳風久入隄巢
由半馬首熱客或遭程曉罵故人誰酌陶潛酒桃花一路
引芒鞋偶過東郵次水齋日暮南雲望不極春波渺渺何
日回

郊城懷古二首

汝邾迷周鼎春秋識楚臺武功鉅馬烈儒道李王開日月
看前輦風雲起後來萬林寒颯颯古意悲哉

其二

兩漢南陽氣三蘇西蜀才塵埃天子過神鬼寓公來地古
騷人重天秋醉客哀弟兄誰崛起勲業更雲臺

辛酉初春七賢祠紀事

千載香煙地七賢俎豆同畫圖殘石壁碑字冷蒿宮亂後
無文物神來有怨恫不逢小陸子白鹿竟成空

塚頭述感

嘒嘒蟬催樹樹秋東郊風物趁清遊青山萬疊攢溝掌藍
水千廻護塚頭燕去內邱愁裏宅螭高外舍望中樓避人

莫訝青衿短久賈東南半學周

宿全車同宅賦贈用昌黎贈張秘書韻

劉青黎

襄城人

傳稱三益友日直諒多聞此道等晨星落落獨見君伊昔
甲子歲穎昌初論文時余方少年飄蕩如浮雲狂談無根
柢逐臭厭清芬解旆匿磨幢野滿牛羊羣故盈張鑄氣勝
負俟徐分奇哉馬陵道窮龐收迴軍自此迭聚散每見醒
吾醺別後輒相思峩嶺望氤氳前年君東去過我共云云
今春我西來懷抱鬱繽紛入門慰問畢盤餐羅腥葷恐減

陶母髮還勞孟光裙吁嗟歲序艱我輩力如蚊未能免饑
寒豈暇辨蒼薰但願敦古處庶不負典墳行垂問學踈所
賴在鋤耘德音苟不朽何必託功勛勉矣寸陰惜西山日
易曠

聞郭道遠亡

秋月傳聞久慘陶看花臺畔快初遭雲龍別後頻雙鯉湖
海除來已二毛絕愛水經添象注生憎謔鬼妬詩豪匆匆
先却薨圃死牢落晨星歎我曹

冬夜讀全車同丙子遺卷感賦奉寄 郭 毅

百家衣照人五色日迷目世無揚於陵再別卞和足夜長
爐火寒屋矮哀吟起經羨千佛名人從一第鄙荊州張長
史垂死薦賢良果然宰相才回天再造唐風簷讀舊史雲
霄仰前賢受祿良不易無位何足患余本山中人寒縮老
雕虫敢望馬荏平亦愧桑苧翁呵凍濡霜毫慙懃謝仝子
無愧元道州一筭溷公耳

憶仝車同

誰謂麻中蓬燕西伯勞東共處三十年相悅不相從抵今
盛修名果然立不朽老我藏穀覓凋零同蒲柳

全車同先生過襄奉贈

田夢月

襄城人

如君文雅真前輩，愧我空疎是後生。
小節自當降大楚，偏師那敢撼長城。
床前久欲低頭拜，河上相逢攜手行。
十載溪南從覺晚，今朝霞佩若爲情。

哀全車同先生

萬邦榮

襄城人

河岳騷壇獨主盟，誰將老壯撼長城。
生前常關一孟飯，身後底須千載名。
旅舍殘燈梁苑酒，吟牋遺墨汝南評。
撫孤此日真無計，空對西華淚滿纓。

哀郭道遠先生

傾蓋相逢憶溼陽當年情好最難忘
舒山泛酒霜天菊汝岸敲門雪夜航
高爽人誰知郭奕粗疏我自愛稽康
和鳴鳳嶺無雙鳥愁聽喧啾聒耳旁

寄邾邑郭道遠

崔璞

悲歌念爾意躊躇幽壑年來苦著書
宣室空傳詢賈傅茂陵誰復薦相如
雲銜紅影迷村樹綠破苔痕到草廬
此際山陽應有得瑤華莫吝寄雙魚

邾縣行

呂履恒

邾縣城南飛老鳥夜啼荒塚饑相呼
啄盡當年戰場肉只

今尚有髑髏枯崇禎年間何事無關西寇盜紛馳驅燎原
初起可撲滅車箱一戰殲無餘推轂者誰主議撫中原忍
見血模糊雁門尙書大都督手提寶劍名昆吾部下健兒
一敵萬尙書料敵如孫吳惜哉

朝廷爲計踈催戰不官遲斯須霖雨洗兵天亦酷百萬貔
虎化爲魚不然賊已伏天誅嗟哉尙書烈丈夫黃濤白馬
隨伍胥洛陽帝子死社稷孝陵松柏同邱墟五十年來說
軼事老翁爲我泣城隅其人白髮馘且剝支離尙保百年
軀休矣老翁莫欷歔且盡襄陵一盃酒西山落月臨征途

洛陽旅舍贈仝車同

鸞鳳翔干仞驂騑歷九州時名歸宦達天意屬窮愁故笥
經堪授先疇稼有秋相逢還抵掌沽酒典驪裘

哭仝孝廉車同三十韻

蒼蒼何可問賢者竟沉淪愧我官猶達傷君命不辰馬卿
常抱病原憲久安貧性命微言發文章逸氣伸道因儒素
貴數以骨清屯英蕤鮭多品蘇田頃不畛中原同耆宿乃
祖軼羣倫鵠起翔丹極鵬飛近紫宸嚴君時並駕名德益
相親神駿燕臺市仙舟洛汭鄰通家孔李舊交誼呂稽新

留谷經過處崎陵羈旅頻相逢心莫逆較飲量無垠月檻
松間影風牀竹裏身縱談天下事篤信古之人五岳生方
寸千秋集此晨異同各有志華實定何因登眺兼羣巖淹
留或一旬別離方暮歲音問阻芳春繩武雖騰躍謀生尙
苦辛雨漂高鳳麥雪壓買臣薪僮臥衾裯薄躬耕手足皴
何嘗形愠見自爾任陶鈞坎壈宜多壽飄零竟返真氣歸
河嶽裂星隕斗樞塵楚士歌衰鳳尼山泣狩麟人猶嘲尙
白天豈降惟均述作空相望苟揚非大醇騷憐山鬼竹詩
怨美人榛師友平生義哀歌難具陳

祭謁蘇墳 二首

陳王綬

釣臺鄉畔草芊芊萬壑千峰拱墓田
此日殘碑餘碧蘚當年御座撤金蓮
奇才枉自驚明主正氣何能媚世賢
吟罷雲山湯火句不禁清淚一潸然

其二

佳山佳水護松門可是嵩陽烟雨村
舊黨憑渠分蜀洛俗流浪自別清渾
一門師友三喬梓古文章兩弟昆
奠罷椒漿攀墓柏聲聲杜宇哭忠魂

名賢西蜀宋三蘇氣節忠貞海內無文共一天星斗爛道
存千古帝王須著聲青史才猷絕發秀嶠山草木枯仰止
精英依日月獨留光燄照荒蕪

邠山遠眺

張永祺

四圍滿碧岑邠阜多崎嶇岩岫晴含雨嵐光石化金紫屏
封古洞丹嶂隱空林停驂時佇望冷翠欲侵襟

題邠邑馬孝子詩冊

李 遵

大小二劉高岷巖大小二馬標青史名山望族兩崢嶸定
有偉人生後起有客示我徵詩文駢四儷六燦五雲云有

薛舒馬二子家住邳城東汝墳汝水遙向淮海去抱村一
曲淨洲淤隱居行義者爲誰髣髴召南董生處本教克敦
揚芳聲華表烏頭高閉閩文人騷客競摘藻長篇短詠齊
和賡借非實行動鄉里何無聞言乃如此我老才盡難鋪
陳人云亦云應爾耳但願詩詞錄成編家傳戶誦本百千
朝吟暮諷動天性再見曾參與閩騫曾參閩騫誠難並諄
語反唇庶可屏不孝之人從此無何須羨鴉而祭獍

致身
錄

馬二
子見

次邳縣宿趙氏別業用壁間韻

鄂爾泰

車長風塵久不辭白雲紅葉晚秋時曾無長策壽中土偶
得餘情賦小詩靜院有人頻點易空山何處未收棋閑忙
身世憑誰說注眼峨眉夕照遲

汝石

孫灝

釣竿欲試珊瑚赤玉水方流輝韞石石不能言淵底沉晶
盤誰遣登瑤席汝波冷冷映骨清汝石文章五色成泗濱
縱勿薦浮磬彭蠡猶應鼓大聲隋珠照乘不脛走爾石空
銜精衛口下品須防換餅差米袖何當一垂手

九日藍水燕集用杜少陵藍水遠從千澗落玉山高

並兩峯寒韻分寒字

劉斯和

陶籬貰酒情何限，謝屐登山興未闌。
渚近閒同鳴雁集，帽欹漸怯野風寒。
人酬佳節茱萸醉，天綴秋容柿子丹。
黃菊滿頭歸路晚，又聽漁唱過前灘。

過郊弔蘇文忠公

汪壽州牧

文章經濟兩爭奇，國士無雙世莫追。
曉事何須談道學，抗懷那得合時宜。
不應生並二程子，聞說前爲五戒師。
千載風流無處溯，一杯荒土繫情思。

其二

九重天上本憐才磨蝎臨身事可哀直道世間原共豈高
譚吾黨亦相猜嶠山間氣全家毓漳海餘生落魄回爲奠
酒漿歌且哭幽魂可得一招來

其三

曾被歐陽讓出頭如公真不愧名流牧民豈是空疏技體
國休疑縱橫謀嘻笑局中懷怒罵功名場內悟禪修精靈
落落高天上洛蜀何妨把臂遊

其四

昔向耒陽悲杜老今來邲縣弔東坡緣何心事頻增感如

此名公定不磨寂寂空山光儼在悠悠行路愛憐多問誰

新葺荒塋好明府孫登庶政和

謂孫令曰秉

謁蘇公祠

趙益

玉局當年埋骨地石門松柏望依依深谿怪鳥啼寒霧野
竹春祠帶晚暉寂寞嵩陽借舊志崎嶇海外尙容歸高風
不獨范滂傳夜雨青山淚滿衣

大樹行

井序

劉衣德

邾城南門外有白楊大可二十圍明末流賊破邾
李無欲先生爲邑宰被執大罵不屈賊甚倒懸
樹上寸

郊教城南臨汝門礪柯白楊手可捫忠愍罵賊死樹下大
書深刻豐碑存後人愛公兼愛樹勿剪勿伐培其根鐵幹
冷涵汝岸月孤影低拂劉山雲有時蕭蕭悲風發哀婁之
聲不堪聞高鶩一如丹鳳舉蠅蟻又若蒼龍蹲或謂此樹
神且靈枝柯枯蠹今復蕃雷雨夜半陰兵聚其下啾啾哭
忠魂嗟哉前明當季世銅馬黃巾徧中原郊汝名城屠已
盡縱橫殺掠如雞豚常山之舌睢陽齒力未滅賊氣已吞
至今落葉色斑駁點點尙有碧血痕少陵昌黎不再出誰
能健筆掣飛鷗我欲賦之心胆怯秦松漢柏難等論亭然

正直本造化永與大節垂乾坤護持端賴神明力莫使樵
斧來攀援訶罷太息復太息風雲慘淡白日昏

趙節母

劉曾慶

郟城頌壹德曰維趙氏母青年失所天柏舟志無負予念
貞節難乞表金石守鸞書降

闕庭世共仰歐柳於今近七旬強固逾岡阜泥金暎綵衣
歡言酌春酒玉樹臨風皎光華騰戶牖睭懷省薄躬我亦
奉母久纒緒愧箕裘旌褒尙未有鞠踰廣筵前低徊重顏

忸

趙節母

常廷旌

賢聲天水播苦操更能完
肝滌池邊雪心澄井底澗
獨巢嘗托燕離曲忍歌鸞
取草連愁織研熊和淚丸
辛勤徽纒孟慷慨義旌
徇直使鬚眉愧應推氣節
難幽光輝竹冊瑞彩
靄門閭看霜梅老香凝
十月寒

趙節母

許元善

聖朝崇節孝巾幗峙綱常
荻畫三更月杼鳴午夜霜
鵲聲聞

帝闕熊膽馥

詩

天章綽楔榮桑里名隨汝水長

春霽遊龍泉寺

趙修紀

雲白天青日漸低
雨過春草正萋萋
微風有意催花落
小鳥多情傍客啼
一道泉聲山左右
千株柳色寺東西
遠公饒有談禪興
躡屐應還到虎溪

郊邑書懷

羅克藻

汝墳向義紀周風
淳俗於今正復同
女值嫋嫋多勁節
男臨鏖戰盡英雄
九天絳氣龍山繞
萬里青雲鳳翅通
喜得盈門桃李樹
好花次第出春叢

輓趙習園

郭瑋

忽驚太岳峻峯傾，秋菊搖風正落英。
仙馭從容何處所，冥冥花滿芙蓉城。

寂寥陽居老雪屯，三千客散孟嘗門。
牀頭剩有遺文在，萬丈精光永世存。

麗景悵悵一日知，休文初賞何郎詩。
只今不忍重回首，却是詩醇勸勉時。

安仁荏苒二毛年，始畫蛾眉鬪可憐。
蟋蟀吟成一十首，只緣往質大羅天。

插架牙籤富討論
粲花滾滾溜詞源
於今齋畔風吟竹
恍惚猶疑色笑存

涼月空來繞素屏
老成凋謝悼晨星
彘中詩作鶯呼切
珠玉霏霏却淚零

貪戀無如舉世癡
揮頭竟去更不疑
雲端笑把浮邱袂
自在游行十二時

柳州知有英靈存
何處驚精可返魂
行道無心亦墮淚
哀傷不必待雍門

捲地狂飈撼棘心
一揮行看座纓簪
茫茫精爽知何處
徒

費招魂楚些吟

歲值龍蛇嗟數該赤虬雲馭日悠哉修文地下應虛左五色江花照夜臺

前題

聶憲

歸爾靈光又復傾茫茫何處認精英依然汝潁人文地頓覺蕭條似廢城

翩翩佳士似雲屯少小獲倍通德門此日因君追往事故家才雋幾人存

蚤歲深慚國士知拈題分韻共吟詩相期晚節君安在腸

斷陶居夜雨時

行輩折來四十年解推高誼鎮相憐若非鮑叔深知久爭
信夷吾有二天

古學惟君可共論每於魚魯辨根源從今疑難憑誰質卷
帙空悲手澤存

愁雨淒風冷畫屏夜來驚隕少微星何須更待山陽笛隣
杵無歌已淚零

承顏兀坐惚如癡暫入甜鄉覺後疑夢裏不知塵世隔猶
相笑語似平時

耿耿華屋記生存行瘞山邱欲斷魂自此東山無謝傳不
須重過西州門

西子凝妝出鏡心東家施亦豔華簪可憐都未經法眼怕
讀林宗蟋蟀吟

花甲先過我應該君反先我亦何哉屬君一語君須記早
晚相從聚夜臺

貞女行 有序

呂燕昭

貞女童養於夫家夫年十五客死女事姑立嗣守
志七十餘年余感其事作貞女行

藍水南來入汝流扶輿磅礴清氣浮兩水環抱竇家村村
有貞女莫與儔女氏李夫姓陳童養夫家年七齡七齡童
養何恩義不意良人申遊棄年方十五出門去出門去生
無音信死無處身未分明事阿姑力操耕作代兒夫姓家
迎取誓不返性如盤石終莫轉爲夫立嗣叔家子八十三
歲垂髫死我聞漢代壽張縣曾有女子名張雨撫養二弟
俱成名終身不字歸黃土似此古井水無波前後孤芳堪
接武吁嗟乎赴死易就義難後之人可以觀此髮白兮此

謁蘇墳

有序

吳慈鶴

邳縣蛾眉山乃兩小山也東西對峙燦若列眉蘇
文忠文定兩公窆其東山之麓中奉老泉衣冠爲
虛塚迨過六子咸東西祔墓西南百步爲蘇墳寺
前殿供佛後爲祠堂祀三先生七百年來興廢不
常嘉慶癸酉豫大饑僧不能守近村居民樵林發
屋遂益破壞墓有田六頃給僧僧無牛具不能耕
亦蕪穢不治矣道光癸未余案試臨汝聞其事歸
以告之梓庭中丞海梁方伯二公卽捐俸千五百

金復募金若干屬邑宰李心梅明府庀而新之甲申年九月工畢二十日巳酉邳寶兩邑令俱會於新祠展祀以安神且設供供佛是日士女和會羅拜庭下者蓋數萬人余方牽率試事逾十日始齋宿其下因爲長歌紀其事以寄中丞方伯兼示心梅明府特爲他日經久之計也

一四大下三普陀普門徧照無偏頗我眉萬古埤西極亦有幻影浮榮波彎彎翠黛落雨點刻刻繡陌開微渦嵩邱骨節幾脫換到此平地方清和銅梁玉壘天下秀代有瓌

偉相撐搯三賢墜地靈氣竭僊蛻未許還岷嶓南公臣跡
未嘗合惟汝先後同折磨檢校團練雖未到龍興畫壁仲
所呵天移雨岫作阡穉詎忍玉骨勞封駮熊熊奎斗不可
遏如佛舍利光芒多中間虛冢奉明允配位六子無滄訛
燔林發寔雖屢劫樵蘇踐牧猶有科我來持鵠歲再稔欲
訪遺跡迷榛蘿聞因禮歲僧失守饑雁磬集摧堂阿琳宮
破壞替戾啞翁仲僵臥狐狸過墓田蕪穢亦已矣梨花寒
食傷如何我歸覩縷告臺省兩賢高義何我我俸緡首發
千五百郵畀邑宰謀匠柯駟輜百里輦材石賁渾一燄燔

芳莎范金合土天炭烈雕雲刻鳳神斤廟先營繚垣限羊
馬碁以屏闥排捷蚤祠堂佛寓近百步殺核魚磬勞森羅
豐鯨寶月再鏗麗仙幢壁畫仍僊倅村民盡喜龍象復山
鬼亦助神靈訶秋殘月皎正遇望作大供養開檀那翩翩
鳧鳥會祠下敬薦秋菊陳尊儀前堂鐘鼓亦雷動天女花
散回螻蟻丰昌和會錯碁局拜跪無地寫相摩蚩蚩豈盡
識馨烈亦景賢哲瞻委佗廢輿由天豈人事電火小劫誠
延俄鋒車我後十日到周厯松檜增晞職堂隍庖福位置
爰待買烏犢耕陽坡故人雖無馬正卿解事尙有春夢婆

燒畚種秫茂有獲閤黎何致憂薦堙更宜疏鑿功德水咒
虎挾石來滂沱桔槔近灌畦蕪沃瓶罌免債村驢馱兩公
雲仍散天下典守何處尋祝鮀歲時庀視仗隣里試選黃
髮求番番虛空自有兜率天豈復戀此荒草窠修禪舉廢
後賢責孔壁丹堊同摩挲諄諄善後告邑宰條教落落非
煩苛歸爲三賢謝臺省天寒酌酒歌九歌

和督學吳巢松先生謁蘇墳原韻

魏謙六

蓮宇天花雨曼陀三賢古阡平不頗重重宰樹蒼山半七
百年留窳堵波憶昔穠直蓬萊閣紫宸朝罷醉黎渦奇才

驚得兩宰相遊戲天章弄雲和嶺瘴海氛倏播越手香空

喜綠橙搓

坡

句歸來乞住常州郭滄浪無楫通梁嶠遺囑穿

塚近嵩麓丹旒萬里鏡誰磨蛾眉彎環雙峽屹傷神夜雨

陰靈呵從茲仲亦頰濱老擾擾毛羣欺臥駝

坡

句青山同埋

弟兄骨鬱葱佳氣此間多年深殘碣苔蘚蝕敲火礪角來

寢訛牛眠一畝叢榛莽馬鬣四尺沒蓬科當時意氣高牛

斗此日魂魄冷薜蘿秋墳月明聽鬼唱若有人兮山之阿

棠梨花繁殞宮冷寒食誰復載酒過元楊前代飛鳧客重

雕天祿鑄君何更瘞衣冠像明允老翁泉聲移鬼竅我

朝循良嗣修葺異夢幽幻徵南柯那料復教經浩劫仁待
名賢芟綠莎星使南國文章伯淵奧萬古精切廟玉節淨
掃印洛雲測海未許尋班蠡偉業

中朝期韓富遺蹟烟壑搜梁羅

迺邊
小字

特邀大僚分鶴俸盛

舉同襄舞僭僭黃金郵致神明宰諄囑揀築慎護訶賢宰
躡躍歌不日心角鈎門波演那中丞揚旌來酌爵花蛇山
頭權鬱穢草木頓回枯後色紅霞髣髴擁岷蛾龍溪新銘
元卿撰螭蟠螯負蒼穹摩更歌長歌遊寶地十方同證奢
摩佗士女喧闐龍華會鴻生鉅儒軒冕俄英靈千載深感

召雲旗爭向空中飛
彈指湧現華嚴界
惚恍散作百東坡
我素嗜繙三公集
詎止塗林學阿婆
歎想當年報國心上
爲主德下民瘼家
近滬陽無百里壯
遊屢阻雨滂沱
春暮清明值佳日
健步無煩駿馬馱
陳辭薦酒新祠下
丹荔黃韭竹塹鮓
周歷巖巒窮登陟
餘勇堪賈彌番番
仰矚魁光照郊谷
定爲僻陬抉日窠
縹緲琳宮再瞻禮
蒼茫銅莢還摩挲
經營已見稱美備
徭役且喜無煩苛
卻慚陽春真難和
斜日憑欄自放歌

遇郊義士祠晤其裔芳甸文學卽題短句

張玉麒

洛陽進士

岐路漫徬徨停驂義士鄉
捫苔讀遺碣把酒話前芳
末世瀉風少田家至味長
看君高隱意名利兩相忘

題劉秦甫學博爲王蔡峯明經一門三孝子徵詩文

啟

姜慶成

鄰邑瀉風近太古耕讀經商咸步武
不爲浮華世俗移天性敦厚乃可取
更見王氏三孝傳學博表揚豈小補
敦孝教忠職誰掌徵詩良見用心苦
前者未必希名譽來者由斯勳
鼓舞童蒙養正首孝弟孝思端爲人之柱
蔡峯老儒

純乎孝感孚子姪中規矩詩賦文章共所欽學問深時孝
道樹三槐之庭孝子三勝似三公開幕府事生事死皆如
一廬墓傷懷動田父菜蔬之饋曷足奇奇在深山不畏虎
岑峯妙境開講堂讀書何如造霖雨至誠格天孝已盡遞
見孝廉垂德普其來有自復奚疑葉茂枝繁啟爾宇試士
之餘觀感興紀孝之詩副八股時覆試童生以此命題劉子采筆振
高風炳入誌乘刊治譜

王蔡峯先生一門三子

菱 篋

峨帽靈秀鍾植槐人特出其谷理學傳蔡峯得其實讀書

不求名勵行敦性質親壽娛採衣親疾弱醫術無何風木
悲祭葬禮尤悉結廬伴松楸朝夕薦椒飴春露又秋霜感
及子與姪同誦蓼莪篇抔土如依膝家聲衍箕裘奧祕探
石室身以明經終譽早鴻都溢蜺節重品題非獨山林逸
予來守是邦循陔亟載述馮軾過鄉閭玉樹森且密芹池
桂籍香炳蔚臻清秩順德動天地天振振胥逢吉一門三孝
稱永留青史筆

蔡峯先生讀書洞

喬春巖

密止家學慮墓餘年曷愧初忤世莫我牽小劉山麓跡遠

市塵盟心有石洗耳有淵迺依巖築迺傍隴穿洞小天大
洞仄月圓釣臺風古扈酒日鮮澄懷靜眺氣象萬千白鹿
物馴猗玕地偏近磨易以抱璞乃全心同豹隱跡早鶯遷
路曲而達水清且漣容味願足等身書編筆牀硯几攜並
周旋忘憂吟草淨植賞遠研硃露滴淪茗雪煎四時讀書
四景詩鑄邱隅得所太極名泉清銷塵滓源徹心田如鴻
冥霧如鳶戾天回頭身事俯仰寬然是真學問即散神仙
龜山遺意蒼谷薪傳先生於是自號蔡峯而人世不得而

瑞穀歌

劉大來

咸豐八年縣署穀生一莖七穗并有三兩穗者因
詩以紀之時官斯土者皖江姜曉山也

七月清秋足甘雨秋稼雲連秀爭吐康自天降穀用成瑞
穀忽生賢侯府賢侯莅郊闕四秋百姓愛戴稱召父粉署
隙地擴三弓半種桃李半黍稌雨膏黍苗方芄芃嘉禾休
徵快先睹一莖七穗信希聞三穗兩穗難更數在昔張堪
守漁陽麥秀雙歧民歌舞孟鄴東郡著政聲九穗禾生傳
千古茲者七穗何嘉祥我爲賢侯費覲縷七品官秩捧銅

章雷封百里皆安堵七步倚才跨詩壇風格迥逸兼李杜
作人七星燦文光衛民七德功耀武七數之生俱有徵莫
作尋常祥瑞詒稼穡爲寶在重農食爲民天穀爲主籌車
登場歲有秋家家謳歌滿倉庾不煩催租租早完官閒民
飽卽樂土

聖朝言瑞尚豐年報最可將幽圖譜循吏佳話留汝旁採
風記取歲戊午

邠縣志卷十二

序錄

書必有序以著其本末且以見作者用意之所在邠志自兵燹後明以前無可考證本朝凡五修而張石只先生修志序已不復存夫一邑雖小數百年來時勢變遷風俗盛衰秉筆者編次記錄必有精神貫注其間優絀短長不能一致然前人之勤不容沒也因別爲一卷著於後焉志序錄

重修郊縣志序

順治十六年

王昕

自禹貢志九州周禮志職方班史志地理而著述家
邇之遂郡自爲紀邑自爲乘矣但改玉改步而後不
無城郭人民之感而兩河滄桑尤堪雨涕其間竹破
煙飛鬻民漂杵被禍之烈者則郊居最焉邾郟爲軒
轅問道之地成周基命之區汝水峨嵎昔稱繡錯今
則鈞天雅奏旣爲禾黍淒音定鼎芳模亦作昆明餘
燼惟有汝濤咽恨峨黛顰愁將雉堞鷺封幾不可辨
矣曷志之問然時事非而堯圻不改彩雲散而虞日

重輝十六載之徹桑綱戶卽合浦未盡還珠乃中澤
已多歸雁司牛羊而不辨芻牧之圍又安望其煉石
花間補鰲天於旣破也乎宜厯撫軍臺之汲汲修輯
蓋將於此按形勢之扼塞驗風俗之澆靡所謂人廟
而問牲牲過野而咨梁稷此物此志也獲落如予負
由伊始蒿萊磔石觸目崩心雖振瘡起傲尙謝未遑
而討舊增新詎異人任因考戊子前合張公有志矣
惟是薙棘依鶴佈雲林之數筆癸巳州太守林公有
志矣要亦借花寫影吐別墅之一枝况癸巳去戊子

五閱歲今距癸巳又六閱歲其中變物移星固非一
轍激楚流風自不可膠前柱而調也於是局開採輯
賢萃緇衣相與攬華實於遺編搗精麤於佚譜凡籍
賦建置墳墟黎赤以至箇籛禽魚之纖悉螻蛄猗蘭
之聲響山嶺川浸之拔塵淳碧松貞雪皚之擢艷垂
芬靡不錦彙霞張珠聯壁合裛爲八帙以續戊子癸
巳兩志之未備雖無補於地理職方諸紀載亦庶幾
仰副撫軍臺振墜苦心而畢雨箕風鶴長鳧短且可
籍此測識爲眉注之緩急控馭之得失焉然則汝墳

遵化之羨成周基命之休固朕賜可還而後我者手
斯編知蓄淵蘇頰獲莽綏鴻之自我而起復不自
我而止也起敝扶瘠增華加厲敬以俟之

重修郊縣志序

順治十六年

趙光耀

粵稽山海有經廣輿有記輿圖有考凡天下之疆域
風俗氣節人文奇異之跡惟誕之狀詳哉其言之矣
而彈丸小邑必悉以志者何志戶口也志土田也志
賦役也志節義文章也使戶口有成數而無增損土
田有定則而無荒闕賦役無煩簡節義文章無盛衰
則志可以不作使戶口之增損土田之荒闕節義文
章之盛衰盡地氣使然也則志亦可以不作使戶口
之增僅生齒之繁也土田之闕僅人力之勤也賦役

之簡僅宴然無事也節義文章之勝僅人自磨厠也
則志亦可以不作而邾志胡爲乎邾志自前明兵燹
後散佚無完帖一修之石只張公鼎革初典冊付之
秦炬奔竄者未歸而又無老成可訪問不獲徵什一
於千百志雖成實非全璧三閱歲而澹庵卜公復修
之藁成未授之梓公以遷去今邑侯王父母江南巨
公也以倜儻之才小試吾邑如課士勸墾剔蠹清丈
諸善政不週歲而觀厥成刃有餘游問戶口則日增
非盡生齒之繁而招挾安集之多方也問土田則日

闢非盡人力之勤而火耕水耨之有暇日也問賦役
則曰簡非盡無事之時而政簡刑清之足述也問節
義文章則曰勝非盡人自磨勵而鼓舞教誡之得其
道也則廣教化而美風俗者舍父母其誰與歸此日
之郊志誠不可以不重梓矣適憲以纂志委公晉鄉
紳而訪以典故創采輯局選邑庠之博洽者分綜其
事一切紙筆供餉皆捐俸佐之故得專搜肆采是以
逸書家乘斷簡殘碑暨夫幽人勝事凡足光輝典籍
裨益民情者率蒐獵無遺煌煌乎鉅典也哉

天子欲詢風化誠不煩翠華遙駐而山川土田風氣人文

已畫若列眉後之來牧是土者一披閱焉應念疇昔

之司邾者膺臺省擢中丞不有若而人乎建生祠配

廟享不有若而人乎戶口宜自我增土田宜自我闢

賦役宜自我緩節義宜自我勵而文章宜自我振也

則是大有造於斯邑也都人士按籍而稽愚夫婦聞

風而起甯遂無文足經邦如李希顏公張銓部王貞

孝其人者乎甯遂無武足勘亂如李佐丞銚馬賊三

賢其人者乎甯遂無燈火螢燈而聯鑣爭先如四科

十三公其人者

甯遂無岸然自命奪標梁園其人

者乎甯遂無相
力自矢如撫孤如孝姑室女殉節其
人者乎則是教化之所寓而風俗之所由成也余故
以素聞諸先生長者之畧一跋簡末若以爲徒事浮
文而真僞溷淆飾人耳目則大失父母修志之雅意
也茲豈其然茲豈其然

重修郊縣志序

康熙三十三年

金世純

古先王問俗觀風必考其貞淫察其奢儉太史陳詩
命市納賈風俗之澆靡民情之好惡始瞭然在目一
邑之志民之澆靡於此存焉民之好惡於此徵焉按
籍而稽有如翠華之巡狩矣今

國家車書一統無殊政無殊俗熙熙皞皞所謂大同之
世也而史館纂修一統必資於各省郡邑之志則志
之所載上闕

國政下備民風誠非淺鮮事也今撫軍閻公撫軍顧公

先後設館增修省志而且令下邑搜羅散佚採輯成書是欲使窮鄉僻野之民情皆得上達乎採聽撫軍於此問俗焉純不敏豈能搦管賴有舊令張公王公之書又有邑紳士之睹記父老之傳聞殘篇斷簡長歌短吟有關於民風土俗者皆斟酌載入焉其間忠魂耿耿如李忠愍之死忠張主簿之百折不降陳維孝之斷手善死李太夫人之殉節是不可不特書也孝行卓立如服勞奉養割股愈親廬墓盡哀不一其人若王裔昌之隨父投井王錫引之竭力事親是所

當特書者也。至若義俠之士，則有高凌雲之捐軀殺賊，郝玉之輸米賑饑，是皆不可湮沒者也。若夫幽貞閨德，冰操自矢，甯死不辱，不愧鬚眉者，甚多如張二室女之同心投井，李室女之自縊，張約兒之就死，斯固未有夫婦之情而堅貞自守，其芳魂堪弔者也。迨夫濂洛爲任，操行端方，文詞染翰，筆墨淋漓，斯固

國家養士作人之報，而莪樸在焉。至於劉山汝水，蠟屐扈陽之秀，斯固上應蒼龍之星，而儲賢育材者也。如鈞天絕響，神驪無存，問道之區，與白雲而俱往，靈龜

之發連春草而沉迷僅存其名焉可也郊之人觀致
身之臣盡孝之子忠孝之心油然而生矣觀死事之
士輕財之士慷慨之心油然而生矣觀坤順之德堅
冰之操節烈之心油然而生矣理學之淵源詞人之
英濟凡而紳士耆碩汝墳遵化之流風猶有存者也
豈如白雲春草有傷荒渺哉幸際

聖天子在上痾瘵爲念教養惟先蠲租恤刑德澤洋溢股
肱之臣又多子惠元元之政將見陝以東其復周公

續修邳縣志序

乾隆七年

汝州宋名立
知州

嘗言古往今來不相見者不相及抑知前輝後映爲可繼也爲可傳是以邑乘所修猶夫史書重纂刻汝

墳遵化之地繫釣臺埋玉之區綠石紫雲靈泉扈澗

旣山明而水秀宜物阜而人豪忠孝本之自然節義

非由勉強先型未沫接踵良多或革市而忤權奸或

棄職而歸鄉里或身殉國難或不受僞官或負父逃

生或孝姑起死或守貞剪髮或罵賊剖心以及禦寇

全城賑饑活衆亦且雄文華國惠政安民率性盡才

無心踐乎成迹流風播譽有善貽厥來謀聽其散佚
不收得無積久漸晦彙入簡編以俟縱然綿厯猶彰
初非舍舊圖新乃日增而月益豈必塗脂傅粉惟辭
約而事該式發潛德之幽光用紹昔賢之芳軌詎曰
續紹不足亦云窺豹求全

續修郊縣志序

乾隆七年

張 楣

郊志夙稱合作蓋其發凡起例析類分門以及取裁措語較隣邑少爲明悉而雅馴耳獨是天地之變化無窮人物之瑰奇時出况躬逢

盛世

神聖疊興重熙累洽之所毓田畝之墾闢日廣戶口之繁衍日隆人材蔚起節孝類推何一不當大書特書其可經久而不續乎攷志敘係康熙三十三年甲戌前令金君奉闈顧雨中丞憲檄之所重修迄今屈指已四

十七年矣中間雖雍正七年前令陳君奉王撫軍檄
彙稿上賚然以供修省志之資於郊志毫無增益也
則此四十七年之中田畝幾何戶口幾何科第節孝
幾何耳目灼然信而有徵者不亟爲之紀載將久之
信者疑而疑者湮矣後有修者其將何所依據乎余
自乾隆二年承乏茲邑閱舊志卽有修輯之志顧以
才識不充甯虛左以待後之濫斯任者庶幾無遺無
濫足信足徵是以久而未果然此心耿耿未忘也
辛酉冬晉謁郡伯宋公談論及此公深爲首肯於是

不揣固陋延聚羣賢廣諮博採弗敢謬加排纂唯取
舊志依例逐項而添續之間有偶見羣書舊志之所
闕者亦必注明出處按類增入大要詳而不失之冗
嚴而不失之畧洪纖審慎必典必經雖不敢自比於
前人後之有事重修者或有所採取焉則亦未始非
郊志之一助云爾

續志後跋

乾隆八年

劉 蕙

蓋聞國之史邑之乘本相表裏政治所關文憲是賴
謂宜時稽時訓以期必信必徵郊邑舊志成於康熙
三十三年迄於今事閱四十餘載矣雖山川風物之
如故而井疆戶口不無時有乘除况夫豁賦寬徭

聖朝之恩綸疊沛抑且振綱肅紀官師之政教多端其間
禮樂兵農之備建置儲蓄之方隨特制宜或因或革
或廢或興已與時而偕遷加之生齒日繁人文日盛
或以詞學顯或以節義著掇巍科而膺

褒旌者指不勝屈夫以四十餘載之盛事播積盈邑漫無
編次成書不啻等於散珠之走盤未貫竊虞其不致
失迷也幾希余向也濫等三川熟知郊廓河山清淑
壬戌冬奉文與前宰張君互相更調越明年四月望
日甫蒞茲土檢查舊志始知遞年來之紀載闕如庶
然意有以謀諸邑之耆宿搜羅四十餘年之遺緒而
輯續之適邑紳趙子使平出是編曰此前邑侯鐵嶺
張使君所續邑志也經州太守蘭山宋公裁定究訂
歲餘甫得脫稿將付棗梨而有特也余閱之竟三復

參考其詞約而該其事詳而實廣博而不濫切要而
有徵洵足媲美乎前志大有裨於此邦聲教亦一助
余不敏其敢更贊一詞哉惟查賦役一節其之過簡
今按全書之所載詳悉分款詮次便覽非惟觀者披
編一覽可知賦役之全規卽後之修是志者亦易於
探本窮源更使千百載以下其仰

聖朝薄賦輕徭子惠元元之賦
知險咸知觀感益切
其愛戴之誠興仁興讓永繁
熙之盛云爾爰跋數
言以付剞劂

重修邾縣志序

嘉慶七年

章玉森

夫志未易作也言欲其雅而義更欲其精事欲其詳而文更欲其簡言不雅則鄙義不精則倍事不詳則晦且漏文不簡則漏以繁故均之邑乘或令人咀之有味或令人閱之難終職有由也邾志在康熙時金公奉撫憲命重修所載闕公修志凡例可爲金科玉律其書統載歷朝邾事凡所宜傳者無不備而書又只得四卷官斯地者雖各携多部以歸遺親友亦自無難且理明詞達援據必更諸史鑑議論必衷諸聖

賢執玩周復想見其人非當代鉅手未易能此乾隆
時張君嗣修不易其舊而惟增以新得無意乎第張
公之志僅及乾隆七年而止距今又六十年勢不得
不再續之前令毛君嘗開局倡修莫獲卒業歲庚申
予承乏茲土以諸務未理無遑及此今歲稍暇爰商
諸外翰劉張二君延邑中宿學之士蒐輯討論共成
是編歲抄告竣竊惟作史須三長才學識也其於志
也亦然予豫章土著久切中原文獻之慕一行作吏
此事便廢靦顏當此鉅任懼踵宜陽之陋然敬盡此

心秉公珥筆其賦役建置職官人才悉紀其實而邨
邑節義冠西京故靡他之女敵愾之民誌之尤加詳
焉後之人展簡繙閱邨中六十年之事不旣爛若列
眉歟書成因述邨意以弁其首奕世尙論固將有取
於是編